

Broj: 01-14-4-488-9/15
Sarajevo, 18.05.2015. godine

Na osnovu člana 70. stav 1. i člana 89. Zakona o javnim nabavkama Bosne i Hercegovine («Službeni glasnik BiH», broj 39/14), a po provedenom postupku javne nabavke – Konkurentski zahtjev za dostavu ponuda -sukcesivna nabavka goriva za službena vozila-, na preporuku Komisije za javne nabavke, direktor Federalnog hidrometeorološkog zavoda donosi

ODLUKU

o izboru najpovoljnijeg ponuđača u postupku nabavke roba po Konkurentskom zahtjevu za dostavu ponuda, broj:01-14-4-488-2/15 – Sukcesivna nabavka goriva za službena vozila

I.

Najpovoljniji ponuđač po Konkurentskom zahtjevu za dostavu ponuda broj: 01-14-4-488-2/2015 – Sukcesivna nabavka goriva za službena vozila je:

„PETROL BH OIL Company“ d.o.o. Sarajevo.

II.

Ova Odluka objavit će se na web stranici www.fhmzbih.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

III.

Sa ponuđačem „PETROL BH OIL Company“ d.o.o. Sarajevo zaključit će se ugovor o sukcesivnoj nabavci goriva za službena vozila, iz tačke I. ove odluke.

IV.

Zadužuje se Sektor opštih poslova, da najkasnije u roku od 7 (sedam) dana od dana donošenja ove Odluke istu dostavi svim ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

V.

Ova Odluka stupa na snagu danom donošenja.

Obrazloženje

Obavještenje o nabavci za Konkurentski zahtjev broj: 01-14-4-488-2/2015 - Sukcesivna nabavka goriva, objavljeno je dana 17.04.2015. godine na portalu Javnih nabavki pod rednim brojem: 615-7-1-17-3-2/15, i dana 24.04.2015. godine Ispravka za obavještenje o nabavci, broj: 615-7-1-18-8-4/15.

Konkurentski zahtjev za dostavu ponuda broj: 01-14-4-488-2/2015 - Sukcesivna nabavka goriva za službena vozila, dostavljen je slijedećim ponuđačima:

1. GAZPROM-PETROL d.o.o. Sarajevo
2. EL TARIK OIL d.o.o. Sarajevo
3. ENERGOPETROL DD Sarajevo

te ponuđačima koji su blagovremeno podnijeli zahtjeve:

1. PETROL BH OIL COMPANY d.o.o. Sarajevo
2. HIFA-PETROL d.o.o. Sarajevo, Vogošća

Po Konkurentskom zahtjevu za dostavu ponuda broj: 01-14-4-488-2/2015 - Sukcesivna nabavka goriva za službena vozila, ponude su blagovremeno dostavili ponuđači:

- | | |
|--|--|
| 1. PETROL BH OIL COMPANY d.o.o. Sarajevo | 9.527,60 KM bez PDV-a
uz ponuđeni popust od 762,20 KM |
| 2. EL TARIK OIL d.o.o. Sarajevo | 9.560,86 KM bez PDV-a
uz ponuđeni popust od 212,00 KM |
| 3. HOLDINA d.o.o. Sarajevo | 9.624,40 KM bez PDV-a
uz ponuđeni popust od 318,00 KM |
| 4. HIFA-PETROL d.o.o. Sarajevo, Vogošća | 10.822,25 KM bez PDV-a
uz ponuđeni popust od 541,11,00 KM |

Komisija za javne nabavke, imenovana rješenjem direktora Zavoda, broj: 01-14-4-488-1/15 od 16.04.2015. godine, izvršila je pregled i ocjenu pristiglih ponuda i utvrdila slijedeće:

Uvidom u ponudu ponuđača EL TARIK OIL d.o.o. Sarajevo Komisija je ustanovila da ponuda navedenog ponuđača nije čvrsto uvezana, nije zapečaćena jemstvenikom, nije dostavljen dokaz-potvrda Vanjskotrgovinske/Spoljnotrgovinske komore BiH da ponuđač distribuira robu koja ima BiH porijeklo, u skladu sa tačkom 3. podtačka 7. Konkurentskog zahtjeva, a u Izjavi ponuđača (Aneks 2 /2a/), ponuđač je pod tačkom 4. zaokružio opciju a), i time izjavio da njegova ponuda uživa preferencijalni tretman domaćeg, te zato što ponuđač nije dostavio Spisak benzinskih pumpi sa adresama, u vlasništvu ponuđača, na području Bosne i Hercegovine, od čega ponuđač treba imati na spisku najmanje jednu benzinsku pumpu na području grada Sarajeva, u skladu sa tačkom 3. podtačkom 11. Konkurentskog zahtjeva, te da kao takva, za ugovorni organ ponuda navedenog ponuđača nije prihvatljiva.

Uvidom u ponude ponuđača PETROL BH OIL COMPANY d.o.o. Sarajevo, HOLDINA d.o.o. Sarajevo i HIFA-PETROL d.o.o. Sarajevo, Vogošća, Komisija je utvrdila da ponude navedenih ponuđača ispunjavaju postavljene zahtjeve iz tenderske dokumentacije, **te su ocijenjene kao prihvatljive.**

Ukupna ocjena ponuda – izbor najpovoljnijeg ponuđača prema zahtjevima i postupku ocjenjivanja datih u tenderskoj dokumentaciji:

Naziv ponuđača	Ukupna cijena ponude sa popustom bez PDV-a	Osvojena pozicija
"PETROL BH OIL COMPANY" d.o.o. Sarajevo	8.765,40 KM	1
"HOLDINA" d.o.o. Sarajevo	9.306,40 KM	2
"HIFA-PETROL" d.o.o. Sarajevo Vogošća	10.281,14 KM	3

Komisija je također izvršila rangiranje prihvatljivih ponuda uz primjenu preferencijalnog tretmana domaćeg isključivo u svrhu poređenja ponuda uz umanjenje cijene domaćih ponuda za preferencijalni faktor od 15%, u skladu sa ZJN BiH i podzakonskim aktima:

Naziv ponuđača	Umanjenje cijene ponude za preferencijalni faktor	Osvojena pozicija
"PETROL BH OIL COMPANY" d.o.o. Sarajevo	7.450,59 KM	1
"HOLDINA" d.o.o. Sarajevo	9.306,40 KM /ne podliježe primjeni preferencijalnog tretmana/	3
"HIFA-PETROL" d.o.o. Sarajevo Vogošća	8.738,97 KM	2

U skladu sa naprijed navedenim, Komisija za javne nabavke je, na osnovu ukupne ocjene ponuda po kriteriju najniža cijena tehnički zadovoljavajuće ponude, predložila izbor ponuđača PETROL BH OIL COMPANY d.o.o. Sarajevo, za najpovoljnijeg ponuđača sa ponudom u iznosu od 8.765,40 KM bez PDV-a (sa uračunatim popustom).

Direktor Federalnog hidrometeorološkog zavoda prihvatio je prijedlog Komisije i odlučio kao u dispozitivu odluke.

Pouka o pravnom lijeku: Protiv ove Odluke može se podnijeti žalba ugovornom organu u roku od 5 (pet) dana od dana prijema iste, u pisanoj formi, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Dostaviti:

- Ponuđačima
- IT Centru
- a/a

